

საქართველოს კანონი
საკონსულდო მოსაკრებლის შესახებ

მუხლი 1. ზოგადი დებულებანი

1. ეს კანონი განსაზღვრავს საკონსულდო მოსაკრებლის სტრუქტურას, მისი გადახდევინების წესსა და ოდენობას, აგრეთვე საკონსულდო მოსაკრებლის გადახდისაგან გათავისუფლების საფუძველებს.

2. საკონსულდო მოსაკრებელი არის საზღვარგარეთ საქართველოს დიპლომატიური წარმომადგენლობების ან საკონსულდო დაწესებულებების მიერ საკონსულდო მოქმედებების შესრულებისათვის ან/და მომსახურების გაწვევისათვის კანონით დადგენილი თანხა, რომელიც ასახავს მოქმედების პოლიტიკურ მნიშვნელობას და მის ეკონომიკურ ღირებულებას.

მუხლი 2. საკონსულდო მოსაკრებლის გადახდის წესი

1. საკონსულდო მოსაკრებლის გადახდა წარმოებს საზღვარგარეთ საქართველოს დიპლომატიური წარმომადგენლობების, საკონსულდო დაწესებულებებისა და კანონით გათვალისწინებულ შემთხვევებში, საქართველოს საგარეო საქმეთა სამინისტროს საკონსულდო დეპარტამენტის მიერ შესრულებული საკონსულდო მოქმედებებისათვის ან/და გაწეული მომსახურებისათვის.

2. საკონსულდო მოსაკრებლის გადახდა წარმოებს ამ კანონის, საქართველოს კანონმდებლობის, საქართველოს საერთაშორისო ხელშეკრულებებისა და შეთანხმებების და ნაცვალგების საფუძველზე.

3. ნაცვალგების საფუძველზე საკონსულდო მოსაკრებლის გადახდევინება ხორციელდება იმ შემთხვევაში, როდესაც შესაბამისი სახელმწიფო საქართველოს მოქალაქეთათვის იყენებს ზოგადი წესისაგან განსხვავებულ წესს, გარდა კანონმდებლობით პირდაპირ გათვალისწინებული შემთხვევებისა.

მუხლი 3. საკონსულდო მოსაკრებლის განაკვეთის განსაზღვრის ზოგადი პრინციპი

1. საკონსულო მოსაკრებელი გადაიხდეინება, როგორც წესი, წინასწარ ამ კანონის მე-4 მუხლით დადგენილი განაკვეთების შესაბამისად, როგორც ნაღდი, ისე უნაღდო ანგარიშსწორებით.

2. ამ კანონის შესაბამისად, საკონსულო მოსაკრებლის ოდენობა განისაზღვრება აშშ დოლარში. იგი გადაიხდება აშშ დოლარში ან ადგილსამყოფელი ქვეყნის ვალუტაში. ადგილსამყოფელი ქვეყნის ვალუტის აშშ დოლარის მიმართ კონვერტაციის ფიქსირებულ კურსად გამოიყენება წინა საფინანსო წლის 1 დეკემბრამდე აშშ დოლარის მიმართ ადგილსამყოფელი ქვეყნის ვალუტის საბაზრო მაქსიმალური გაცვლითი კურსი. საქართველოს ეროვნული ბანკი არა უგვიანეს ყოველი საფინანსო წლის 10 დეკემბრისა მიაწვდის საქართველოს საგარეო საქმეთა სამინისტროს მომავალი წლისათვის გამოსაყენებელ, ადგილსამყოფელი ქვეყნის გაცვლით კურსს.

3. მოქალაქეობის არმქონე პირისათვის ამ კანონის დებულებები გამოიყენება, როგორც მისი მუდმივსაცხოვრებელი სახელმწიფოს მოქალაქისათვის.

მუხლი 4. საკონსულო მოსაკრებლის სახეები და განაკვეთები

1. საზღვარგარეთ საქართველოს დიპლომატიური წარმომადგენლობების და საკონსულო დაწესებულებების მიერ შესრულებული საკონსულო მოქმედებებისათვის ან/და გაწეული მომსახურებისათვის მოსაკრებლის გადახდა წარმოებს შემდეგი განაკვეთებით:

ა) საქართველოში დასაბრუნებელი მოწმობის გაცემის საკითხის განხილვა - 35 აშშ დოლარი;

ბ) საქართველოს ვიზების გაცემის საკითხის განხილვა:

ბ.ა) ერთჯერადი ორდინალური ვიზა 90 დღემდე - 20 აშშ დოლარი;

ბ.ბ) მრავალჯერადი ორდინალური ვიზა 90 დღემდე - 30 აშშ დოლარი;

ბ.გ) მრავალჯერადი ორდინალური ვიზა 360 დღით - 50 აშშ დოლარი;

ბ.დ) მრავალჯერადი ორდინალური ვიზა 5 წლამდე - 200 აშშ დოლარი;

ბ.ე) მრავალჯერადი ორდინალური ვიზა 10 წლამდე - 400 აშშ დოლარი;

ბ.ვ) მრავალჯერადი ორდინალური ვიზა 15 წლამდე - 600 აშშ დოლარი;

ბ.ზ) ერთჯერადი ორდინალური ვიზა სატრანზიტო გავლის უფლებით - 5 აშშ დოლარი;

ბ.თ) მრავალჯერადი ორდინალური ვიზა სატრანზიტო გავლის უფლებით - 30 აშშ დოლარი;

ბ.ი) სასწავლო ვიზის საკონსულო მოსაკრებელი განისაზღვრება ორდინალური ვიზის მსგავსი ტიპისთვის დადგენილი მოსაკრებლის განაკვეთით;

ბ.კ) ვიზის გადატანა ახალ პასპორტში - 5 აშშ დოლარი;

გ) დოკუმენტის საკონსულო ლეგალიზაციის განხორციელების საკითხის განხილვა - ერთი დოკუმენტი 15 აშშ დოლარი;

დ) საქართველოს მოქალაქეთა შუამდგომლობის საფუძველზე, საქართველოს კომპეტენტური ორგანოებიდან დოკუმენტაციის ან ინფორმაციის გამოთხოვისათვის განაცხადის გაგზავნა - ერთი დოკუმენტისათვის 10 აშშ დოლარი;

ე) სხვა სახის ცნობების გაცემა - 20 აშშ დოლარი;

ვ) დოკუმენტის ნამდვილობის დადასტურება - 20 აშშ დოლარი;

ზ) საკონსულო თანამდებობის პირის მიერ შესრულებული თარგმანი ან/და თარგმანის სისწორის დადასტურება - 7 აშშ დოლარი თითოეულ გვერდზე;

თ) საქართველოს მოქალაქეობის საკითხებთან დაკავშირებული მოქმედებების განხორციელება:

თ.ა) საქართველოს მოქალაქეობის შექენის, საქართველოს მოქალაქეობიდან გასვლის, საქართველოს მოქალაქეობის აღდგენის საკითხებზე განცხადების საქართველოს კომპეტენტურ ორგანოებში განსახილველად გადაგზავნა - 5 აშშ დოლარი;

თ.ბ) საქართველოს მოქალაქეობის საკითხებზე სათანადო ცნობების გაცემა - 15 აშშ დოლარი;

ი) ემიგრაცია-იმიგრაციის საკითხებთან დაკავშირებული მოქმედებების განხორციელება:

ი.ა) საქართველოდან ემიგრაციის მსურველი პირის შუამდგომლობისა და თანდართული საბუთების საქართველოს კომპეტენტურ ორგანოებში განსახილველად გადაგზავნა - 5 აშშ დოლარი;

ი.ბ) საზღვარგარეთიდან საქართველოში ბინადრობის ნებართვის მსურველი პირის განცხადებისა და თანდართული საბუთების საქართველოს კომპეტენტურ ორგანოებში განსახილველად გადაგზავნა - 5 აშშ დოლარი;

კ) სანოტარო მოქმედების შესრულება:

კ.ა) ანდერძის დადასტურება - 10 აშშ დოლარი;

კ.ბ) ანდერძის გაუქმება - 5 აშშ დოლარი;

კ.გ) ხელმოწერის ნამდვილობის დამოწმება თითოეული პირისათვის და თითოეული ხელმოწერისათვის - 5 აშშ დოლარი;

კ.დ) მინდობილობის/რწმუნებულების დადასტურება - 10 აშშ დოლარი;

კ.ე) დოკუმენტის ერთი ენიდან მეორეზე თარგმნის სისწორის დამოწმება - 5 აშშ დოლარი თითოეულ გვერდზე;

კ.ვ) დოკუმენტის ასლის და დოკუმენტიდან ამონაწერის დამოწმება - 3 აშშ დოლარი თითოეულ გვერდზე;

კ.ზ) მოქალაქის ცოცხლად ყოფნის ფაქტის დადასტურება, მოქალაქის განსაზღვრულ ადგილას ყოფნის ფაქტის დადასტურება, ფოტოსურათზე გამოსახულ პირთან მოქალაქის იგივეობის დადასტურება, დოკუმენტის წარდგენის დროის დადასტურება - 15 აშშ დოლარი;

კ.თ) საზღვაო პროტესტის შესრულება 150 აშშ დოლარი.

2. ამ მუხლის პირველი პუნქტის „ე“ ქვეპუნქტით გათვალისწინებულ შემთხვევაში, თუ ცნობა გაიცემა ადილსამყოფელი სახელმწიფოს ან ინგლისურ ენაზე, დამატებითი საკონსულო მოსაკრებელი დოკუმენტის თარგმანისათვის არ გადაიხდებიან.

მუხლი 5. შეღავათები საკონსულო მოსაკრებლის გადახდაზე

1. საკონსულო მოსაკრებლის გადახდისაგან თავისუფლდებიან:

ა) პირები საერთაშორისო ხელშეკრულებითა და შეთანხმებით გათვალისწინებულ შემთხვევებში;

ბ) საქართველოს საგადასახადო კოდექსის 32-ე მუხლის შესაბამისად განსაზღვრული საქველმოქმედო ორგანიზაციების თანამშრომლები, აგრეთვე საქართველოს ან საქართველოს მთავრობის სახელით ხელმოწერილი და ძალაში შესული ჰუმანიტარული ან/და ტექნიკური დახმარების შესახებ ხელშეკრულებების ფარგლებში დახმარების განმახორციელებელი ორგანიზაციების თანამშრომლები თავიანთი საქმიანობის განხორციელების დროს;

გ) ოფიციალური დელეგაციის წევრები საქართველოს ვიზების გაფორმებისას;

დ) პირები დიპლომატიური და სამსახურებრივი საქართველოს ვიზების გაფორმებისას;

ე) საქართველოს საპატიო მოქალაქეები და საქართველოს საპატიო კონსულები საქართველოს ვიზების გაფორმებისას;

ვ) პირები რეპატრიაციის საკითხებთან დაკავშირებული მოქმედებების შესრულებისას;

ზ) მეორე მსოფლიო ომის მონაწილეები;

თ) საქართველოს ტერიტორიული მთლიანობის, თავისუფლებისა და დამოუკიდებლობისათვის საბრძოლო მოქმედებებში დაინვალიდებული საქართველოს მოქალაქეები;

ი) 18 წლამდე პირები, ამ კანონის მე-4 მუხლის "ა" ქვეპუნქტით გათვალისწინებულ შემთხვევაში.

2. საკონსულო მოსაკრებლის 50 პროცენტის გადახდისაგან თავისუფლდებიან საქართველოს მოქალაქეები, რომლებიც არიან:

ა) ცნობილნი იძულებით გადაადგილებულ პირებად - დევნილებად;

ბ) პირველი და მეორე ჯგუფის ინვალიდები;

გ) ომისა და შეიარაღებული ძალების ვეტერანები და მათთან გათანაბრებული პირები.

3. განსაკუთრებულ შემთხვევებში, შესაძლებელია პირი გათავისუფლდეს საკონსულო მოსაკრებლის გადახდისაგან საქართველოს საგარეო საქმეთა მინისტრის, საზღვარგარეთ საქართველოს დიპლომატიური წარმომადგენლობის ან საკონსულო დაწესებულების ხელმძღვანელის გადაწყვეტილებით.

მუხლი 6. დასკვნითი დებულებები

1. ძალადაკარგულად იქნეს ცნობილი „საკონსულო მოსაკრებლის შესახებ“ საქართველოს 1997 წლის 27 ივნისის კანონი.

მუხლი 7. კანონის ამოქმედება

ეს კანონი ამოქმედდეს გამოქვეყნებიდან მე-15 დღეს.

მიხეილ სააკაშვილი